

Vanzgyangh Banh Daengx Yienh Cungh Siujhagseng Lai
Cungj Vah Gangj Gojgaeq Ndawbiengz Yienjgangj Doxdax

环江举行全县中小学生多语种讲民间故事演讲比赛

12 nyied 4 daengz 5 hauh, Vanzgyangh Mauznanzcuz Swciyen banh daengx yienh cungh siujhagseng lai cungj vah gangj gojgaeq ndawbiengz yienjgangj doxdax hozdung, doxdax faen baenz cungh、siujyoz Vahcuenghcu、Vahmauznanzcuj caeuq Vahguncuj. Yienjgangj doxdax cawjdaez dwg “fatyiengz minzcuz vwnzva, saenqhwnj minzcuz cingsaenz, coicaenh gak minzcuz baedauq、doxgyau、doxyungz”, doenggyaq camgya doxdax hozdung, hawj cungh siujhagseng youq minzcuz vahgangj caeuq minzcuz ndawbiengz gojgaeq daengj fuengmienh minzcuz vwnzva maenhndei oenggyuem baihlaj majhung, gyalai minzcuz nyinhdoengz caeuq miznaj. Gojgaeq ndawbiengz yienjgangj doxdax hozdung yinx ndaej daengx yienh gak aen yanghcin cungh siujhagseng doxcanj camgya, ginggyaq gak yanghcin cosaik senjok, gungh 78 boux cungh siujhagseng senjsouj camgya 12 nyied 4 daengz 5 hauh gietsaiq doxdax.

Baez doxdax hozdung neix youz Vanzgyangh



▲Doxdax yienhciegz.

Mauznanzcuz Swciyen Yinzminz Cwngfuj cawjbanh, youz Vanzgyangh Mauznanzcuz Swciyen Minzcuz Cunghgyaugiz、Vwnzva Gvangjibo Sinhvwnz Cuzbanj Dijyuzgiz、Gyauyuzgiz、Minzyijgiz ciepbanh. Swcigh Minzyijvej Yingyungcu caeuq Hozciz Si



▲ Gangj ndaej sengdoengh mizyinx.

Minzvej、Vanzgyangh Mauznanzcuz Swciyen Yinzda、Cwngfuj daengj danhvei lingjdauj bae yawj doxdax hozdung, vanzlij fat ciengj hawj senjsouj camgya doxdax ndaej ciengj haenx.

(Maj Civaz/马志华)



▲ Gyoengq lauxhangz dingq gaisau Nungz Cigauh lizsij dieggaeuq ceroengz.

Lauxhangz Bae Dasingh Yen Haiguh
Nungz Cigauh Yozsuz Yenzdauj Hozdung

专家学者到大新县开展依智高学术研讨活动

12 nyied 4 hauh, Guengjsae Minzcuz Vwndiz Yenzgiu Cungsim nem Nungz Cigauh Yenzdaujvei Diuyenzcu j ca mbouj geijlai 50 boux lauxhangz bae daengz Dasingh Yen Yaleiz Cin haiguh Nungz Cigauh yozsuz yenzdauj hozdung, yawj le ciendaebenzq swliu dieggaeuq ceroengz Nungz Cigauh, bae yienhciegz dieggaeuq ceroengz haiguh yenzdauj hozdung. Nungz Cigauh ndaej daengz dangdieg vunzlai haenh baenz minzcuz yinghyungz Bouxcuengh, Byadaek Nungzvangzcwnz daengj lizsij dieggaeuq ceroengz caeuq de mizgven hix bienqbaenz vwnzva yizcanj Mbanjcuengh dijbaui.

(Cinz Civani/覃志婉)

Cauhbingz: Minzcuz Doxgiet Fwngz Rag
Fwngz Lenzyiz Hozdung Sim Lienz Sim

昭平:民族团结手拉手 联谊活动心连心

12 nyied 3 hauh, Cauhbingz Yen Cauhbingz Cin Lungdzanz Cunh Mbanjmoq Luzfuz Yauzcuz vunzmbanj, gofoux haprwenz, seiqcawq yienj'ok gij heiqfaenh minzcuz doxgiet huzndei. Aen cunh neix haiguh minzcuz doxgiet lenzyiz hozdung, yinx ndaej Cauhbingz Yen gak yanghcin beixnuengx Yauzcuz caeuq henzgyawj gak cuz vunzlai daeuj camgya.



▲ Bouxguhkhong cingq vih vunzlai biuqyeni cezmuz.

Youq seiz hozdung, gyoengq duiyenz doihvwnzyi yungh gij foux ndei yawj, gij go ndei dingq, doengz lwnh cingzeiq minzcuz doxgiet, cezmuz ndei yawj gangjok caeuq yienh'ok minzcuz doxgiet cingzeiq naekna. Danggoenz lij guh cai vahduenz、miz ciengj hoizdap、sam vunz haizgieg daengj cezmuz dem, gyoengq beixnuengx Yauzcuz gyaezhak au Yauzyangh dwzcanj baijok daeuj hawj hekyouz yawj, vanzlij bwh gijgwn ndei gig miz daegsaek haenx ciepdaih

hekyouz.

Baez hozdung neix, daezhawj gak cuz vunzlai aen bingzdaiz guhcaemz、doxgyau、gyalai cingzngieh he, coicaenh gak minzcuz doxrox、dox aeueiq, gyamaenh caeuq hwngfat seveicujyi minzcuz gvanhaeh bingzdwngj、doxgiet、doxbang、huzndei.

(Liuz Feih/刘飞 Ya Fungh/夏峰)

Sanhgyangh: Cauxlaeb Minzcuz Henzgyaiq Ndei Vwnzyi Lai Cungj Coi Doxgiet

三江:构建民族好边界 多彩文艺促团结

12 nyied 2 hauh, Sanhgyangh Duncuz Swciyen Laujbauj Yangh Laujbah Cunh banh “ciep yienhgingq、coi huzndei、bang hwngfat nem Guengjsae Gveicouh dieg henzgyaiq saujsu minzcuz vwnzyi doxgyau biujyienj hozdung”, Guengjsae Gveicouh dieg henzgyaiq Dung、Myauz、Yauz daengj saujsu minzcuz yungh fouxavenz、dohyeh、fouxvangjicangz minzcuz daengj lai cungj minzsuz cezmuz, gaenxmaenx coicaenh dieg henzgyaiq minzcuz doxgiet, doengzcaez angqhoh Sanhgyangh Duncuz Swciyen laebbaenz 63 hopbi.

Gaenh geij bi neix daeuj, Laujbauj Yangh cungfaen leihyungh gijndei minzsuz doxlumj, gaenxmaenx caeuq dieg henzgyawj gak saujsu minzcuz dingh roengz “minzsuz doxgyau”, doenggyaq yezyej、bohoih daengj ciet hung saujsu minzcuz, fatok ndawbiengz doihvwnzyi caeuq canghgyeyh yingjyangliz, minzsuz ngoenzciet guh okcunz biujyienj, gaenxmaenx coicaenh vunzlai sengj henzgyawj mbanj henzgyawj cingzgamj doxgyau, haenqrengz dajcaux “henzgyaiq huzndei” “hamj sengj(gih) huzndei gyaranz”.

(Veiz Yincungh/韦忠认 Yangz Cunhmou/杨春茂)



▲ Guengjsae Gveicouh beixnuengx itheij diuq fouxdohyeh.